

地
200
42.1
389
卷一

重脩浙江通志稿

第一百一册
宗教

重脩浙江通志稿

第百一冊 宗教

前浙江通志館稿
浙江圖書館騰錄

內部資料

宗教目錄

第一章 道教

- 第一節 道教之淵源
- 第二節 道教之衍變
- 第三節 道教之分佈
- 第四節 道教之迷信



重修浙江通志稿

一〇一

宗教

目錄一

第一章 道教

第一節 道教之淵源

道教初為道家其肇始遠在遠古時之黃帝內經素問篇注云道者修養之道也傳至老子莊子相繼為虛無之說老子以道生於無且尚質樸反對儒家之禮樂制度莊子更進而倡萬物平等之說置生死於度外迨後騶冠子尹文子等繼起其流益暢仍以修身養性為歸及漢淮南王劉安羅道家方士於一門漸雜有鍊丹服氣等巫術後漢張道陵始利用道家之玄說及方士之巫術迷信變化修身養性之道而成為神仙吐納符水禁咒之術創為五斗米道道後之子衡衡之子魯皆遵行其道更有經典儀式以及修鍊禮拜之方法至北魏寇謙之奉李耳為教祖張道陵為大宗道教之名始立道陵父大順居於潛之天目山光武建武十年道陵生於山中後入鄱陽上龍虎山故道教之策源地實為浙江且亦為吾國惟一最古之宗教神仙通鑑分六部卷之四十四

道教最古之經典據雲笈七籤所載首推靈寶真經次為老子道德經道教最尊之神為元始天尊合太上玉皇天尊金闕玉晨天尊為三尊一其次為三清玉清宮之天寶君上清宮之靈寶君太清宮之神寶君更次為四天大虛無上常融天太極玉隆騰騰天龍變梵度天太極平育賈奕天為三界欲界色

界無色界拜神之方法步罡朝斗攝訣書符其行徑與古代巫術家拘神遣鬼之法大致無二然實質重在鍊丹養氣吐納長生故葛仙丹井之類省內各地多巧為附會而符呪禳解之術特藉以資號召普通人民並為濟生之助耳

道教系統雲笈七籤以老君一李耳一為第一代張道陵為第六代浙省道徒有全真清真正一火居諸派全真清真二派均祖老君俗稱道人方袍大袖深居宮觀蓄髮不娶內又有紫陽龍門之別龍門為正宗天台之桐柏宮餘杭之洞霄宮黃岩之火有宮其道徒皆屬此派紫陽以紫陽真人張用誠得名用誠宋時臨海人得劉海蟾之金丹術所著悟真篇卓然為南宗之矩矱後傳白玉蟾即為長庚曹法師張天雨張雲友冷謙道術相承号稱極盛正一与火居二派均受度牒於天師名曰受錄俗稱道士衣服与凡民同婚娶亦照常專以符籙經呪為人祈禳殆古巫覡之類也明清時各縣設有道會司管領徒眾所謂正一者因張道陵後裔張興材三十八代天師元成宗授為正一教主嗣後世襲正一真人又唐書司馬承禎傳稱唐番師正得陶隱居宏景正一法至司馬承禎已四世又舊唐書魯中儒士吳筠入嵩山依潘師正為道士傳正一之法開元中游天台會稽終于越是則正一之稱由來久矣浙南又有閩派道士俗稱師公亦屬此派火居亦作火鉅野獲編云道士有妻者為火

居道士。漢留全史謂大鉅道為明季遺民所隱托。金華縣志謂大鉅道士多散住鄉間。專以念懺為生。今宣平景寧等縣所有道教徒均屬此類。按明烏程沈道寧嘗從四十二代天師冲虛子入龍虎山學道法亦正一之嫡傳也。

按潘師正曾事台州道士王遠知得其術。遠知善易知死生禍福著有易總一司馬承禎入山事之傳符籙及辟穀導引之法承禎後又傳其術于女真謝自然見雍正通志及方輿勝覽白孔六帖諸書。

按陶宏景秣陵人齊高帝引為諸王侍讀後隱于句容句曲山自号華陽隱居晚号華陽真逸又曰華陽真人明陰陽五行風角星算山川地理方圖書物醫術本草著有真誥等書南史稱宏景嘗從東陽孫游嶽受符圖書法靈笈七籤亦謂游嶽門弟子數百人惟宏景入室焉游嶽則沒簡寂先生受三洞經法亦見雲笈七籤三洞者即洞真部洞玄部洞神部是也洞真部傳為元始天尊所流演是為大乘上法洞玄部傳為太上老君所流演是為中乘中法洞神部傳亦出自老君是為小乘初法。又按劉師亮漢留全史云火居道不居寺觀處處自由世系相傳惟不削髮以示不忘明室之象當時所傳十不從條例故有儒士從而僧道不從

重修浙江通志稿

二

宗教

二

一則也。一說此係仿呂純陽仍混居城市娶妻生子別名火居道清帝以該道等係最少數人亦無其他能事置諸未究按所謂仿呂純陽云云其理或然。按浙省各縣崇奉呂純陽之風極盛且稱為呂祖其像皆附有寶劍宮殿之設大多起于清順康間其故誠可深長思也。

第二節 道教之衍變

道教自張道陵變化道家修心養性之道，成為神仙吐納符水禁呪之術。嗣後上虞魏伯陽、淳于斟、武康劉子訓、東陽趙炳、桐廬陳惲等接踵繼起。伯陽嘗撰參同契三篇，于坎離水火龍虎鉛汞之要，言之綦詳。為後世言煉火者之祖。趙炳能以術療病，以氣禁人。後漢書方術傳稱其能使枯樹生，黃抱朴子稱其能使虎伏地，低頭閉目，言雖近誕，亦可見道術之一斑。其非浙人而游于浙，居于浙，以道術顯者，吳山有陳留夏馥，括蒼有東海王遠，四明有劉綱夫婦，小括有廬江左慈。

魏晉六朝，道術大熾。葛玄從左慈受金液仙經，姪孫洪精煉丹術，台坑等處多有遺蹟。東陽孫游嶽，送簡寂先生受三洞經法，弟子多至數百。陶宏景得其真傳，王遠知、孫勣、桓闓皆宏景入室弟子，勣闓並得握中祕訣。游嶽之後，有王質，亦東陽人，與西安吳猛同以道術著稱。是時浙中縉紳信道亦多。史稱會稽王氏世事五斗米道，王羲之既去官，與道士許邁共修服食，採藥石，不遠千里。怖情事天師道，與羲之許邁俱棲心絕穀，修黃老之術。王凝之信道，亦篤。孫恩攻會稽，案佐請為之備，凝之不從，惟入室請禱，可見當時社會崇信之一斑矣。唐代諸帝對於道教崇奉尤篤，置官之馬湘、嘉興之錢朗、松陽之葉法善，遠

昌之劉處靜，並請服鍊吐納符籙之術。而天台尤為仙真窟宅，王遠知能知死生禍福，潘師正事之，盡得其術。後司馬承禎、吳筠、復事師正，傳符籙及辟穀導引之法。承禎後傳女真謝自然，自茲以後，元和間有田虛應、馮惟良，金昌間有徐灵府，惟良師虛應，葉藏質師惟良，並請三洞祕訣。通志引高僧傳，謂虛應得大洞法，每水旱請禱，應不旋踵。神仙通鑑謂藏質精符術，請之者如織。此外又有王松年、劉方瀛、杜光庭等，均曾結茅天台，方瀛常以丹篆殺人。一見道藏，靈驗記及雲笈七籤。一光庭著述尤富，蓋唐代道家之後勁也。

五代迄宋，省內道教仍蔚然興起。閩邱方遠傳法籙于洞霄宮，諱峭得辟穀養氣之術于嵩山道士朱霄外，以道術見賞于錢忠懿。此五代道家之卓著者也。嗣後為長庚（即白玉蟾）唐子霞、唐介壽，以符籙丹訣鳴于浙西。張無夢、張用誠、王茂端、王自然、葉梅卿、柯可崇、夏元鼎、章思廉，以吐納導養，役雷伏虎之法，聞於台甌。嚴陵各地，宋元以降，道家多由修煉導養而轉趨于止風喚雨，役雷降魔之一途。如元代湖州莫沾乙、黃岩黃雲翔、淳安錢九五、明杭州唐棧、秀州沈嵩高、永嘉葉昌齡、顧泰真、清吳山孫道元、江山柴壯，並習五雷法者也。錢唐周思得、嘉禾周元真，並行灵宝法（即大洞法）者也。餘如天台曹法師、黃岩張雲麓、定海陳可復、王天助、金華葉審思、永嘉周闕真，以上太平吳樓霞

衡縣張柏亭、江山柴用光、壽昌卜景雲、永嘉張日惺、松陽潘自然、麗水梁貞、以
 明富陽周公純、杭州和有鴻、以上雖載籍、未曾明言修習何種法術、然皆能召
 風雷、致雲雨、除邪祟、要亦不外所謂五雷法靈寶法耳。
 附浙江歷代著名道家一覽表

漢	魏伯陽	淳于斟	張道陵	蒯子訓	夏夔	趙炳	陳惲	王遠	左慈
	<small>上</small>	<small>上</small>	<small>上</small>	<small>上</small>	<small>上</small>	<small>上</small>	<small>上</small>	<small>上</small>	<small>上</small>
魏晉六朝	萬玄	洪義	沈義	陶宏景	孫麟	孫游	吳極	王質	張薦
	<small>上</small>	<small>上</small>	<small>上</small>	<small>上</small>	<small>上</small>	<small>上</small>	<small>上</small>	<small>上</small>	<small>上</small>
隋唐五代	徐靈府	錢朗	吳筠	王遠知	司馬承禎	謝自然	田虛應	馮惟良	劉方瀛
	<small>上</small>	<small>上</small>	<small>上</small>	<small>上</small>	<small>上</small>	<small>上</small>	<small>上</small>	<small>上</small>	<small>上</small>
宋	萬長庚	唐介壽	張無夢	張用誠	王茂端	王自然	葉梅卿	莫洞一	柯可崇
	<small>上</small>	<small>上</small>	<small>上</small>	<small>上</small>	<small>上</small>	<small>上</small>	<small>上</small>	<small>上</small>	<small>上</small>
元	張天雨	丁野鶴	阮日益	張興材	莫沾乙	陳可復	王天助	黃雲翔	曹法師
	<small>上</small>	<small>上</small>	<small>上</small>	<small>上</small>	<small>上</small>	<small>上</small>	<small>上</small>	<small>上</small>	<small>上</small>
明	唐秩	周思得	冷謙	周元真	沈嵩高	沈道寧	吳棲霞	張柏亭	柴用先
	<small>上</small>	<small>上</small>	<small>上</small>	<small>上</small>	<small>上</small>	<small>上</small>	<small>上</small>	<small>上</small>	<small>上</small>
清	孫道元	和有鴻	吳衡紳	周神耀	朱烜	沈一炳	趙伏生	孫應乾	張勝貴
	<small>上</small>	<small>上</small>	<small>上</small>	<small>上</small>	<small>上</small>	<small>上</small>	<small>上</small>	<small>上</small>	<small>上</small>

重修浙江通志稿

二 宗教

劉處靜	杜光庭	閻邵方遠	譚峭	朱霄外	林永清	馬湘
<small>上</small>	<small>上</small>	<small>上</small>	<small>上</small>	<small>上</small>	<small>上</small>	<small>上</small>
林守真	林靈真	林任真				
<small>上</small>	<small>上</small>	<small>上</small>				
錢九五	周恢	周頤真	張雲麓	劉修真	林大敷	賈復真
<small>上</small>	<small>上</small>	<small>上</small>	<small>上</small>	<small>上</small>	<small>上</small>	<small>上</small>
葉昌齡	張日惺	潘自然	梁貞	王朝聘	沈琦	王球琳
<small>上</small>	<small>上</small>	<small>上</small>	<small>上</small>	<small>上</small>	<small>上</small>	<small>上</small>

第三節 道教之分佈

浙省道教自唐時天台桐柏觀創建之後各地陸續繼起杭之宗陽宮開元宮佑聖觀寧壽觀通元觀元妙觀寶極觀餘杭之洞霄宮嘉興之崇道宮吳興之玄妙觀光孝觀德清之開元宮安吉之巖真觀寧波之佑聖觀沖虛觀慈谿之清道觀奉化之虛白觀鎮海之湖德觀象山之棲霞觀紹興之長春觀明真觀嵊之金庭觀臨海之棲霞宮樓真觀紫陽宮黃岩之大有宮仙居之隱真宮金華之寶婺觀寶積觀南谿之浩然觀永康之延真觀崇霄觀衙縣之仙集觀開化之玉霄宮建德之元妙觀桐廬之紫霄觀永嘉之容成院樂清之集真觀麗水之妙成觀縉雲之玉虛宮松陽之逍遙觀永寧觀遂昌之壽光宮太虛觀龍泉之萬壽宮宣平之沖真觀其尤著者也所奉多為三清及仙真一類明清以還奉呂純陽尤多蓋明末遺民藉此以不削髮得混居城市沿海如臨海北岸一帶兒童命名且多以呂字居姓名之中可見社會信奉之切摯矣

全省道教徒之人數據姜卿雲浙江新志教祿凡一萬五千五百三十人各市縣可考者杭州市計有一千一百一十四人（內男八百三十三人女二百八十一人）鄞縣計有一百六十二人（內男一百二十六人女三十六人）常山計有一百六十人（均係正一派）永康計有五六十人江山計有九十

七人（男八十四人女十三人）天台餘杭各不下數百人（多係龍門派）宣平樂清等縣黃冠幾手絕跡僅有正一派之道士若干人金華有清真火鉅二派火鉅道（亦稱火居道）多散住鄉間專以念懺為生正一派之在各縣亦然凡建醮行檄送續招魂逐煞破獄做七種種大多此輩為之

杭州市近有道教會之組織按民國三十五年九月發起設會所于湧金門金華廟由玉皇山道士李紫東主持道教財產各地宮觀多有相當田地天台桐柏宮初期佛教未興金山幾屬道徒所有後漸縮減餘杭洞霄宮杭州玉皇山亦皆富有產業據最近調查杭州市道教財產計有田三百二十六畝地一百六十二畝山一百十三畝蕩二十七畝房屋九十餘間他處未詳

省內道教會以樂清成立為最早創於民國二十七年有會員三百零四人 有田三十六畝次為杭州市道教會（已詳上）再次為海寧縣道教會創於 民國三十六年有會員五百二十一人

第四節 道教之迷信

關於道教之迷信事項，社會流行甚多，茲就各家記載，畧為分述如下：
壽昌道家有損童之術，堂上供三清真人太上老君諸種神位及圖像，並設一祭案，看紅綠的草繩，名曰神蛇。道士六七，案上陳設瓜果香燭，持誦經懺。半夜以後，道士叫病家請出一位青年，立在壇中，鑼鼓環着齊鳴。道士焚符念咒，那青年即陷入昏迷的狀態，鑼鼓也停止，以為神已經降壇。道士即投以寶劍，青年即仗劍至病房，亂舞旋復狂奔出走，約五六分鐘，道士拍案念念有詞，青年奔回壇中，病家圍着膜拜叩求治病。最後道士又燒了一道符，拍了一下醒木，那青年便蘇醒起來，回復原狀。（節錄謝重賡筆記）

臨海海門居民每遇疾病，多迷信鬼神，有所謂送床前者。一名送夜事，又名擲割刀。由病家備酒席供病榻前，道士誦咒于病人枕下，置紙人一張，誦咒畢，令病人向紙人吹氣三口，燒于碗中。道士乃執劍吼叫，驅鬼出門。酒席亦一併移出門外。此時病家熄燈滅燭，使鬼不得復入。又有拜斗打醮送船等，亦由道士任之。人數少則八九人，多或數十人。設壇禮拜，終日不輟。送船用極草製船，裝飾彩紙，夜間將船身至病房，由道士持劍噴水，驅鬼入船，即鳴鑼燃爆，送往水濱，既費動至數萬元。其他類此者，不勝俚指。（海門鎮志）

第二章 佛教

第一節 總述

第二節 佛教入浙

第三節 隋唐前浙江之高僧大德

第一目 小乘學者

第二目 大乘學者

第三目 習禪

第四節 浙江佛教之宗派

第一目 禪宗

(甲) 傳授系統

(乙) 禪宗之教義

(丙) 曹洞宗

(丁) 雲門宗

(戊) 法眼宗

(己) 臨濟宗

第二目 天台宗

重修浙江通志稿

(甲) 傳授系統

(乙) 天台宗之東傳

(丙) 天台宗之教義

(丁) 天台宗之教判

(戊) 天台宗山家山外之爭

第三目 三論宗

(甲) 傳授系統

(乙) 三論宗之教義

(丙) 三論宗之教判

第四目 華嚴宗

(甲) 傳授系統

(乙) 華嚴宗之教義

(丙) 華嚴宗之教判

第五目 律宗

(甲) 總述

(乙) 戒律入浙

傳授系統

四分律宗之教義

四分律宗之教判

淨土宗

總述

浙江淨土宗傳授系統

浙江台禪律及華嚴各宗之兼修淨土

淨土宗之教義

法相宗

傳授系統

法相宗之教義

法相宗之教判

密宗

總述

密宗入浙傳授系統

密宗之教義

第六目

(甲)

(乙)

(丙)

(丁)

第七目

(甲)

(乙)

(丙)

第八目

(甲)

(乙)

(丙)

重修浙江通志稿

一〇一

宗教

九

第五節 歷代帝王之好惡與浙江佛教之盛衰

第六節 民國以來之佛教運動與佛教團體

第七節 浙江佛教與雕刻

第八節 浙江歷代各宗撰述舉要

第九節 歷代浙江各縣佛寺舉要

第二章 佛教

第一節 總述

佛教起於印度創始者為刹帝利族之悉達多姓釋迦名瞿曇迦此羅城淨飯王之太子也釋迦成道後世人稱之曰釋迦牟尼年尼譯言能仁寺曰淨屠譯言淨覺釋迦釋僧以釋為氏始於道安高僧傳

按釋迦生滅年月傳說紛紜莫衷一是唐貞觀三年劉德威與法琳等奉詔詳裏定佛生於周昭王丙寅示滅於周穆王壬申正宗記疑其渺茫隔越未易得實世人多依出三藏記見善律毗婆娑記所傳眾聖點記推定佛生於周敬王三十四年蓋當西曆紀元前四百八十五年也近美人宣達爾斯 *Saunderas* 亦考定佛之誕生在紀元前六世紀與孔子同時與眾聖點記之說合近丁氏著印度史乃定佛生為西曆紀元前五百五十七年當周靈王十五年甲辰入滅於四百七十八年當周敬王四十二年癸亥此蓋本佛陀伽耶碑文並參中西史實與前說稍異孰是孰非茲不具論

佛教之精義可以三字辨之曰戒定慧其基本理論不外因果慈山大師謂因果因果分時間空間二種時間的因果同類因時間的果各等流果空間的

因名俱有因空間的果名士用果時間又分現在與過去現在之因各異熟因過去之果各異熟果釋迦成佛之道有八一正見即真知灼見二正欲去私欲求公理三正語非礼非言四正行行必由正五正業不妄造業六正精進謂向善忽忽七正念去個人惡念及虛榮八正定謂把握不動以固信仰法華又修菩薩道有六波羅蜜亦云六度即布施持戒忍辱精進禪定智慧是也

秦始皇四年西域沙門室利防等十八人齋佛經來化帝以其異俗以厚禮遣出境釋迦漢武帝元狩中遣霍去病討匈奴過居延斬首大獲休屠王來降獲其金人

帝以為大神列於甘泉宮不祭祀但焚香禮拜而已及開西域遣張騫使大夏遂傳其旁有身毒國一名天竺始聞有浮屠之教釋迦漢成帝鴻嘉二年劉向校書天祿閣往往見有佛經著列仙傳序言七十四人已見佛經佛三記

漢哀帝元壽元年博士弟子景憲受月支王使伊存口授浮屠經中土聞之未之信了釋迦漢明帝永平七年帝夢金人丈六旦問羣臣傳教進曰臣聞周昭之時西方

有聖人者出，其名曰佛。陛下所夢，得無是乎？帝乃遣中郎將蔡愔、秦景、博士王
遵等十人，使西域求之。佛祖八年，詔天下死罪皆入隸贖。楚王英、奉黃、練白
紬三十匹，以贖罪愆。詔遂贖，以助伊蒲塞桑門之威饌。漢書楚王英傳云：英西
城記：永平十年，蔡愔等於中天竺大月氏遇迦葉摩騰及竺法蘭，得佛像梵本
經六十萬言，載以白馬，共還洛陽。十一年，勅洛陽城西雍門外立白馬寺，以居
之。摩騰始譯四十二章經，藏梵本於蘭台石室。晉佛像於洛陽城門及顯節陵
上。代佛三祖統記及歷

按佛祖統記所載，係採歷代三寶記近人對佛教之傳入異說，紛起漢明
帝曾否求法，騰、蘭是否確有其人，均成疑案。四十二章經近人梁啟超作
四十二章辨偽，謂此經性質明瞭，並非梵文原本，比照翻譯，實撮取厚經
精要，摹仿此土孝經、老子別撰成篇云云。

桓靈之世，安息國人安世、高月支、國人支婁迦讖、天竺人竺佛朔，先後來華，
譯大小乘經典及禪數。高僧傳：出三藏記：均同。佛敎漸盛，靈帝末，閩洛樓亂，安乃
振錫江南，南方佛教始於此時。高僧傳
獻帝時，有優婆塞竺信、安玄、沙門支曜、康巨、康孟詳等，與沙門嚴佛調，又共
譯經多種。出三藏記集

重修浙江通志稿

二〇一 宗教

十一

時漢朝野信佛，宮中立黃老浮屠之祠。後漢書：漢明帝及佛祖下邳相竺融
在徐州廣陵間，大起佛寺，於佛浴日，招致五千人。後漢書：佛敎因布民間，然漢
法唯聽西域人得立寺，都邑漢人不許出家。高僧傳：第一及晉書：佛敎西
魏嘉平中，中天竺曇摩迦羅譯僧祇戒心，又請梵僧立羯磨法授戒。安息國
沙門曇無讖於正元中，譯羯磨僧祇戒心為摩訶僧祇律之戒本，羯磨為日後
曇無讖所譯四分律之戒法，均盛行於當時。高僧傳：第十一卷：初無漢人受戒者
律之始。當是時，佛教流布於北地之魏，與南地之吳。魏書：初無漢人受戒者
至魏文當國，人民受戒為僧之禁始弛。魏書：初無漢人受戒者

第二節 佛教入浙

自安世、高南來，先後譯出大小乘經典，於是南土漸聞佛經。又有月支人支
謙，生長中國，從支婁迦彌弟子支亮學博覽經籍，通六國語言，與支婁迦讖及
支亮等稱三支。當時有天下博知，不出三支之語。魏書：代三：謙於獻帝末年，遊亂
來吳，魏書：代三：謙於獻帝末年，遊亂為吳主孫權所信任，赤烏四年，太子太傅闕澤，魏書：代三：謙於獻帝末年，遊亂
曰：孔老二敎法天制用，不敢違天。佛教諸天奉佛，不敢違佛。權信之。魏書：代三：謙於獻帝末年，遊亂
乃以支謙為博士，時人稱之曰文郎。眼中黃形，體雖細，是智素。魏書：代三：謙於獻帝末年，遊亂
自黃武元年至建興中，凡三十餘年，譯出大小乘經三十餘部，辭旨文雅，曲合

聖義通傳

同時有康居人康僧會欲通振江左錫杖東遊至建康營立茅茨設像行道以五色舍利示種種肅然驚起為建初寺因名其地為佛陀里植萌孫皓立初不信佛下令毀寺溺佛像後以病從康僧會受五戒崇飾寺塔臨僧傳自吳以後歷晉宋齊梁陳隋六朝各僧為弘宣佛教計在浙江各地分建寺院庵舍茲為明瞭本省佛教展布起見按代分述如下

- (一) 吳時建寺九所
- 金粟寺 在海鹽吳赤烏中康僧會建海鹽縣志
- 通元寺 在海鹽吳大帝夫人捨宅建吳地志
- 晉濟教寺 在慈谿吳赤烏二年吳上都鄉侯闕澤捨宅建齊志
- 資福寺 在天台山吳赤烏二年建天台志
- 翠屏庵 在天台山吳赤烏中建周禪師居此全上
- 正德院 在嵊縣吳赤烏二年建嵊縣志
- 興福寺 在黃岩吳赤烏中建赤城志
- 寶輪寺 在黃岩吳赤烏中建同上
- 廣孝寺 在黃岩吳赤烏中建同上

重修浙江通志稿

二一 宗教 十二

(二) 晉時建寺五十五所依朝代先後分列於后

- 新建寺 在新昌縣晉武帝太康十一年西域僧幽闕卜築於此嘉善志
- 湧泉寺 在臨海縣晉武帝太康中建台州志
- 靈寶寺 在山陰縣晉惠帝永康元年建嘉善志
- 天童寺 在鄞縣晉惠帝永康中僧義興結屋禪定於其中寧波志
- 天祿寺 在餘杭縣晉惠帝永康中建餘杭志
- 樂平寺 在於潛縣長安鄉晉懷帝建興二年佛喬澄建於潛志
- 祇園寺 在山陰縣晉成帝時許詢捨山陰宅建山陰志
- 崇化寺 在蕭山縣晉成帝咸和六年許詢捨永興宅建嘉善志
- 靈鷲寺 在西湖晉成帝咸和元年天竺惠理三藏法師建初惠理來遊杭州見西湖山巖秀麗歎曰吾國中天竺靈鷲之小嶺不知何時飛來飛來峯由此得名惠理于其地建兩刹先靈鷲後靈隱巖坐石中号理公岩靈鷲後改名下天竺法鏡寺隋開皇間僧真觀与道安重新之西湖志
- 靈隱寺 在西湖北高峯下晉成帝咸和元年僧惠理建西湖志
- 夕照庵 在西湖石人嶺下晉成帝咸和間惠理建為退隱所西湖志

真君院 在餘杭縣招賢鄉晉成帝咸和二年建咸淳志

靈光寺 在嘉興晉成帝時徐尚書熙捨宅建至元志

龍泉寺 在餘姚縣晉成帝咸康二年建唐南齊志

半月庵 在德清縣晉成帝咸和間建台州志

普光寺 在漫嶺縣晉成帝咸和間建台州志

普照禪寺 在山陰柯山下晉穆帝永和間建山陰志

泰安寺 在會稽縣晉穆帝永和間建台州志

五龍院 在嵊縣晉穆帝時建高僧帛道猷道場志

戒珠寺 在山陰歙山之南晉右將軍王羲之故宅改建山陰志

靈嘉寺 在會稽縣晉將軍何充捨宅建台州志

東岬寺 在新昌縣晉沙門竺法潛支道林帛道猷均卜築於東岬山晉哀

帝隆初元年号東岬寺志

真覺寺 在新昌縣晉沙門帛道猷竺法潛支道林乾興淵崇實光誠斐藏

濟度道印皆雲居焉志

廣福寺 在上虞縣晉帛道猷捨庵於此志

施水祥庵 在湖州晉太守殷康建州志

重修浙江通志稿

二〇一 宗教 十三

白蓮院 在西湖風篁嶺下晉華法師誦經於此武林志

真如寺 在海寧縣黃灣菩提山晉干寶捨宅建禹曆杭州志

通聖南君 在秀水縣東晉卜本常捨地雪巢禪師建秀水志

鸞台教寺 在山陰縣晉支道林道場王右軍嘗訪支不值書鸞峰二字於策

而去山陰志

安寧寺 在黃岩縣晉穆帝永和二年建赤城志

鴻福寺 在黃岩縣晉穆帝永和中建台州志

崇安寺 在永嘉縣晉明帝太寧五年李整捨宅建雁州志

雲門寺 在公稽縣晉中書令王子敬宅義熙二年安帝詔建台州志

平元寺 在餘姚縣晉應帝太和二建志

志愿寺 在海寧縣硤石晉孝武帝寧康中尚書張延光捨

宅建硤石志

靈藏寺 在餘杭縣常熟鄉晉元帝建武間建台州志

水陸寺 在嘉興晉哀帝興寧間詔刻山法師竺法潛濟服君於禁中遂止

棋李魏公家因捨宅為精舍後崇善通問感行水陸法事号水陸

院文治志

普明院 在海鹽縣 晉右將軍戴威之捨宅建在元嘉

萬年寺 在天台山 晉哀帝興寧中曇猷慧此 唐太和七年僧普岸建天台

中岩寺 在天台山 晉哀帝興寧中曇猷依岩造寺 号中岩天台志

晉濟寺 在三門縣 晉僧曇猷建 後名廣潤寺未詳

白水菴 在寧海縣 晉僧曇猷自海乘棧至 卓錫於此 後名壽寧寺未詳

靜居院 在桐廬縣 法華山下 餘杭沙門法至 常誦法華 其徒曇翼亦誦法

華 嘗至廬山 見慧遠 又赴閩中 見羅什 回浙 卓錫於此 為誦經之

所後

建平寺 在天台山 晉蔡護將軍到 元捨宅建天台志

光相寺 在山陰縣 晉安帝義熙二年 漢太守沈勳家捨宅為寺府志

覺嗣寺 在山陰縣 晉安帝義熙十二年 驃騎郭將軍捨宅為寺府志

天衣寺 在山陰縣 晉安帝義熙十三年 高僧曇翼結庵誦法華 任內史 並

覬請置法華寺 至梁 惠舉禪師亦隱於此山 唐李邕碑稱曇翼早

入禪慧 尤遵佛乘 与沙門曇學俱游秦望西北山 營卜蘭若 專精

法華云云未詳

重修浙江通志稿

二一 宗教

十四

雲門廣 在會稽秦望山麓 晉安帝義熙三年 建寺 本王猷之舊宅 義熙三

孝寺 年 有五色雲 現在上安帝詔建寺 高僧帛道猷始居之 竺法曠 竺

道壹 先後從猷之招而至 其後支道林又諱徑於茲山 至梁 則有

洪偃 葺舍 結眾 有智永 名法極 右軍七世孫 善書 与其兄子惠欣

共出家 欣能書 与智永齊名 武帝重之 号永欣寺 六祖慧能 說法

曹溪 秦望山 有善現 在弟子之列 代宗時 茂亮以法師教內廷 歸

其弟子曇一 供之 終老山中 其後靈徹 靈一 兩律師 皆有威名 元

其弟子曇一 供之 終老山中 其後靈徹 靈一 兩律師 皆有威名 元

般若台寺 在嵊縣剡山下 晉義熙二年 僧竺法友建志

育王禪寺 在鄞縣 晉安帝義熙元年 竺慧遠建 宋大中祥符元年 賜名廣利

廣嚴寺 在杭州臨平鎮 晉安帝義熙十二年 建武志

碧流寺 在新城縣 晉安帝隆安五年 建 宋改字國院釋元照

靈石寺 在黃岩縣 晉安帝隆安二年 建名勝

法幢寺 在全華府 晉義熙八年 建志

靈曜寺 在龍游縣 晉安帝義熙間 建志